

欲為觀射以給加資今為習陣則可以兼行武科人真時散勿
論除擊毬以騎射一次取四中以上仍試貫革事言于兵曹○
聽朝啓臺諫落鄭士龍事不允○憲府啓曰日月之食俱出於
一月之內此實天變之大者前者殿試及放榜為此災變皆進
日而行今聞初三日有親閱日食在初一日而習陣在初三日
則恐妨謹天戒之意况今冬享大祭執事明日受誓戒初三日
乃其散齋也尤為未便請停傳曰初三日習陣事兵曹取稟故
予以為二日則與初一日連日故不可為矣若三日則有間於
初一日也且習陣非戲事停動樂只為閱武事判下而其犯於
大祭散齋之意專不致察矣今見啓意果當習陣亦非汲汲其
可停之○夜南方有氣如火○全羅道錦山雷動龍潭雷雹地
震○庚子御夕講侍讀官洪暹曰儒生等近以僧寺累日陳
疏布衣之士不知忌憚陳疏至此言路似通至為休養自上
不崇佛教之意朝廷孰不知之聖學高明故無秋毫可疑也但
以我國事觀之則新羅最尚佛法歷年雖似延長其為亂亡則